



Džonson: BiH je na listi prioriteta naše vanjske politike

► Bosna i Hercegovina i dalje će biti na listi prioriteta vanjske politike Velike Britanije, bez obzira na to što ova zemlja napušta Evropsku uniju, napomenuo je Boris Džonson (Johnson), britanski ministar vanjskih poslova, koji se

jučer sastao s članom Predsjedništva BiH Bakrom Izetbegovićem, direktorima sigurnosnih agencija na državnom i entitetskim nivoima, a obišao je i Oružane snage BiH.

Džonson je, drugog dana posjete našoj zemlji, poručio

da Velika Britanija podržava opredjeljenje BiH za članstvo u EU i NATO-u.

- Spremi smo pružiti podršku BiH u ekonomskom i političkom segmentu, posebno u implementaciji Reformske agende i strateškog dokumenta "Pregled

odbrane", koji je usvojilo Predsjedništvo BiH – kazao je Džonson.

Prilikom posjete Državnoj agenciji za istrage i zaštitu (STPA) zanimao se na koji se način BiH angažirala u sprečavanju terorizma i organiziranog kriminala.

- Cetiri godine pružamo podršku u vrijednosti od 1,8 miliona funti policijskim tijelima – rekao je Džonson.

S ministrom se sastala i v. d. glavnog tužioca BiH Gordana Tadić.

T. Ro.